

榮  
性  
堂  
集

榮性堂集卷五

吳縣吳俊曇繡

古今體詩

壽構李何廣文年丈石操

國家設庠序乃以明人倫洎乎風俗媮羣羞校官貧甘心  
就簿尉跪起何逡巡豈知師道尊士風關澆淳先生舉孝  
廉徃歲在丙辰距今四十年雅德含清醇玉堂久延佇苜  
藜嘗甘辛雅歌動巖邑禮樂殊彬彬黌宮競揖讓鄉井鮮  
頑嚚村民雜僂僂釋耒而哦呻俄然量移去雞犬同仙輪  
其時兩廡士老少容俱顰筐篚獻芹藻漿酒沾衣巾城野  
競走送泣別意難伸此事世希有有在道德身令子吾同

歲言之實津津吾欲起爲壽辭賦無非陳往事略一述愧  
煞民社人

書陸母宋貞女表貞錄後

廣平鍍石練心腸奕葉清芬巾幗揚孔雀鴛鴦盡儕耦爭  
如獨鶴唳秋霜

鏡本未圓難說破鸞何曾合詎云離卽今閨閣褒榮處想  
見孤行已意時

夢魂殊自不分明雨入湘筠淒有聲王道人情兩無碍天  
將康壽報平生

才子宮袍試簇新良辰授簡鳳池賓麻姑被服非羅綺還  
是當年未字人

盤山二十韻

萬古田盤宅雄山紀北條青蒼高插漢光怪欲冲杓鬱鬱  
諸陵氣冥冥神鬼朝長天見窮髮白日揖仙喬陰礪  
層冰合陽崖積霧饒松真擎翠蓋石足抵英瑤絕頂煙颺  
上上凌空鶴鶴招冕旒趨肅穆襟帶黜纖佻僧定能馴虎  
溪風不怖樵林巒成側仄雲雨乍興消勢倚長城起春歸  
薊野遙曲陽虛望祀恒嶽失孤標馬怯疑無路沙窮恰得  
橋自然開朗豁何處奏咸韶複道離宮轉奇峰帳殿攬  
六龍初稅駕千嶺和鳴鑣霞護巖間構花飛柳外韶屢屢  
都効媚草木豈藏妖侍從歡俱洽山靈寵獨徼由來神異  
地幽籙鎮岩堯

千相寺

如去如來絕點塵一身幻出百千身知經萬萬恒河劫  
留作人間報施因

優曇花下貝多經山作螺旋不斷青欲向道人求鹿子僧

龍藥飲食之頗極馴擾願留一宿寫黃庭

恭和 御製至靜寄山房元韻

馬前拱立有奇峯到此真開千仞胸水入舜風琴筑奏松  
依堯棟畫圖重枳籬茅舍村村遶露草風花處處逢引路  
山僧齊雀躍今朝復見 聖人容

莊名靜寄駐勤餘 行殿猶聞做在予  
棘道貔貅新捷後畿南秣稔緩輪初  
宵深衛士聽鐘起雲暖穹廬帶杏舒要

自聖情無暇豫籌軍寬賦併成書

恭和御製引勝軒疊壬辰詩韻元韻

泉石與煙霞名義兩求允茲軒繚雲門四面排青筍藉非  
宸翰摘模範誰能準日出溪霧開徑複澗聲盡漠漠徐  
無山心目互相引

恭和御製題心鏡齋元韻

山齋何廓然攬結鑑幽景我皇握真符方寸已挈領澄  
明一鏡開受照變俄頃簷楹俯清淪觀象發深省在此本  
無物物物具付影是鏡卽是心纖翳益已屏

恭和御製將軍阿桂奏報攻克遜克爾宗詩以誌  
之元韻

兵法攻背兼攻心苟得要領鮮不克遜克爾宗久未下持  
重要於戒輕得出奇先據默克爾密菁深林竄群賊今年  
五月霧氣蒸分兵直搗搜竄匿層崖積雪滑於脂連峯去  
天不盈尺青蓮句副將軍勇實冠世手挽强弧氣無敵遜克  
爾宗已就殲勒烏圍巢失羽翼咫尺相望直古腦首得兵  
心次兵力偏裨以下不顧身三戰真看賊三批狂酋黠詐  
洵如鬼忽訝神兵下頃刻賓人巴客盡懽呼忭舞奚翅手  
加額誰歟功大書旂常聲帶首應酬世德

恭和 御製月臺元韻

假山輦致走百夫歲久苔紋繡頑老試思寶晉舊齋頭塊  
石能經幾時好不如位置在山根寓假於真方是巧月臺

臺畔片玲瓏秀潤不爭穴多少  
山莊西苑互幽清杉檜  
蒼蒼露零早鍾峰一片磨青穹月照文津許沿討

恭和 御製山東巡撫楊景素奏報得雨詩以誌事  
元韻

泰山雲起纔膚寸甘澍崇朝浹土膏萬物盡霑  
三農彌感 湛恩叨青齊壤接如雲稻汶泗波溱順水艘  
小醜蕩平民氣樂有年兆答 聖躬勞

恭和 御製靜寄山房二詠元韻

仙莊無片翳皓魄淨長空雨霽光逾澈林開景最融鍾峰  
分向背塞草間青紅自有隨形照寧誇印物功當軒澄漱  
澗度澗浥虛冲 聖主懸金鑑冰輪照自同



右月色

南北江河判

謹按胡渭禹貢錐指有南人得水謂之河云云

何江不自

流出山鳴漈漈赴壑去悠悠琴筑調方奏波瀾觸不收靜  
中基動也合處見分不爽氣欣澄沼長天快豁眸 堯年  
垂寶露水月與俱留

右江聲

恭和 御製夏冠元韻

夏絺易冬裘文明邁懷葛 國朝製夏冠材自女紅掇越  
絲與秦釐仰孟而覆鉢輕重義有宜晴雨用弗奪可以輝  
山龍豈或趨輕脫周官職未詳奇袞概從抹章服昭堂皇  
金石銜等別仰惟 聖繩武凡事必省括刀劍凜 寶箴

圖書舊宸札卽此服御微爲度百王拔快雨驅炎歊清  
風屆令節從衆亦偶然念祖心如渴

晚秋池上

俛仰小池上西風驚客心不須感搖落長自愛秋陰梧竹  
倚娟妙水雲相淺深禽魚知我樂舉步卽華林  
已過題糕節蕭條徂雁心捲簾涼露入移艇浦煙陰溪館  
明逾淨書帷低更深多情是楊柳霜落尙成林  
冉冉池塘夢依依濠濮心芙蓉衰自好楓栗老多陰露草  
何妨藉宵杯不厭深到來小亭館約略舊園林  
書堂秋不到客自抱秋心最好風兼雨宜人霽更陰鳴喧  
蘋葉短魚噉墨花深此地無遲暮端因傍上林

晚秋四首疊前池上韻

奉母

有客循陔晚長懷束皙心翠菰榮舍北芳餌墮池陰祿養羞云薄霜華感易深關情是小鳥戢翼哺寒林

讀書

書堂俯澄碧覽古愜幽心度幌流雲薄侵帷曉露陰谿山寒自好辭賦老逾深落葉紛如委披材入藝林

懷人

袂衣寒欲峭迢遞故人心歷歷鴈橫塞嘹嘹鶴和陰蒹葭千里闊湖海一樽深言念同懷子秋風滿桂林

感遇

幾度題糕節猶辜采菊心夕陽歸騎晚細雨草堂陰多愧  
文章拙難忘知且深親人戀魚鳥繼綵入華林

西苑直廡 同方舍人藝蘭賦呈同省諸公

飯罷俄然聳玉樓飄簷急霰已盈溝  
開門草制三錢筆詞客經冬百結裘  
昨夜十行寬似海有隸被災州縣今朝六

出厚如邱燈前得句淋浪舞比向年時律更適向於京師用坡公聚

星堂韻  
咏雪

下簾三日伴方干簷際西山拄笏看  
應笑筆公成老禿可憐詩律出艱難  
隔牆沙響朝珂散隣寺鐘疎梵唄寒  
寄語城南韋杜客流傳莫漫遍長安

題同年宋奕巖舍人春江放櫂圖

子京風調鷓鴣天海上蓬山落眼前好放扁舟撇波去岸  
花飛著小神仙

綠楊低處杏花村一曲清溪直到門絕似江東老桑苧短  
篷斜月坐黃昏

五湖菱芡足生涯復見春風著釣槎南指錢唐北京口陳眉  
公語布帆絕勝長風沙

塵裏素衣渾欲化風前烏帽整還欹輸君閉閣經旬臥正  
是滄江夢雨時

入直省中

掖垣清冷欲三更鶴警初聞第一聲要與玉皇充案吏稍  
憐黃閣臥書生彤庭紫殿詩無敵門下尙書秩並榮上界

星辰何歷歷夢魂眞作步虛行

儼從諸老錯雕珂襪被何心戀薜蘿清要獨居天下重高  
寒差覺殿東多強留吏語添香坐不放更長換燭哦林鵲  
忽驚鐘忽動閣門封事問如何

題范丈舒庵秀巒成築圖

香雲吹墮采香涇人在春風杜若汀何日比隣開小築刺  
桐花下海樓亭

三十四瀆如玦環七十二峰堆髻鬢暇日扁舟采蕪去子  
規聲裏到香山

棟鄂夫人哀辭

連理枝原不獨春每於摧損見精神來從萬里長征路竟

捨三旬未死身決烈不殊好男子從容無媿古賢臣望京  
松柏青蔥甚有鳥雙鳴夜達晨

同年李舍人滄雲齋前小桃作花詩以賀之

仙李庭中種小桃短垣遮護托根牢未花已貰醪千瓊著  
雨仍澆晝百遭應拓數弓添小閣最憐一樹對吾曹請看  
御陌垂垂是偶入蕭齋便欲豪

天天絕是可憐葩合映流連七寶車留客賦詩原不虐破  
愁轟飲一何譁無言有笑飄鈴索貧睡多醒怕鼓櫓好是  
張南與周北退朝齊醉舍人家

朱蔬坪呂瑤浦汪菴  
齋俱與滄雲同巷

題翟東明花潭釣艇圖

涇川一曲三百里若邪之水羞見之漁郎得魚長尺半日

暮爭賽陵陽祠不知李白在何處空有桃花粘釣絲藥楂  
網取須寄我爲君更辦琴高詩

偶檢故簾得亡友孫秀才味根與潘舍人榕臯書

花飛茵溷了無痕春社當年共酒樽家世可憐傳博士

祖父俱以諸生終身雪霜容易殺孤根三歲而孤南園夜雨蔬苗長家近南園

北郭春泥屐齒存館於城西毛氏賸有斜疎數行墨賺他潘誅敘

煩冤

片言成識吾方悔癸巳冬余贈秀才步虛辭一識字多憂

古已然半世騎牛鞭土塊一朝跨鶴入青天遺雛赤立人

俱恐亂草榛蕪孰與編屈指知交幾臺閣一時空有淚痕

漣



題榕臯舍人秋林宴坐圖

鳳閣舍人肩兀兀不梵不齋癩朝謁半年一兩入東華少  
肉都因無俗骨從來病懶不可鍼招之鷺入楓樹林丹楓  
黃栗雁鴻叫秋蘭蘼蕪蟋蟀吟呼之不出轉堅坐似覺萬  
物惟我大借問何年始出來荅言不寒復不餓可憐寒餓  
誤煞人縱有林巒那得親誓將從子學辟穀籜帽蕉衫結  
比隣

題張鶴灘納稼圖

吾官於長安歲俸仰南漕不知穀貴賤那曉秋旱澇福薄  
享自豐智短祿恥冒客從江南來爲言夏漲暴魚風壞渠  
堰蝸涎漫井竈十家九漂流行哭居人弔吾聞良惻然當

食心如悼男兒不學稼枉自岍烏帽繒帛費女紅升斗奪  
鼠耗斯圖誰所爲用意幽風肖我家吳淞濱蕪田久不燒  
何日買烏犍歸耕伴漁釣不惜終歲劬秋來斗酒勞一手  
握農書貓虎歲賽禱吁嗟膏粱人醉夢亦可笑

方舍人藝蘭贈墨

三年直中書知費幾丸墨聽鐘趨東華看雅始歸息東西  
恣塗抹處處窓壁黑近來囊已空著紙漸無色硯田生秋  
苔橫斜受黹蝕舍人惠八螺螺螺地可擲觸手鏗瓊瑤入  
硯喚麝柏君家天都峰讀書松樹隙手捉山頭雲杵成百  
鍊鐵所貽或非人狼籍漬巾幘多君珍重意徑寸百金值  
墨飽腹不充筆酣詩苦澀一日三摩挲如獲所未獲作詩

敢拜嘉奚啻錫朋百

與戴石士庶常戴蓮士汪杏江兩舍人陶然亭秋望  
歸集杏江寓齋食蟹

閉門學老蠹性命鑽故紙有僕跨衛來邀去菰蘆裏瘦馬  
骨似山蠅蚋嘅幾死忽然見陂原奮鬣聳兩耳轉羈逐蛙  
鼃入亭散巾履咳笑落檐楹舍人偕吉士西望太行青北  
眺居庸紫秋色一千里風氣晚自美歷歷辨梨棗處處叱  
羊豕磬聲斷林間夕陽照屏几歷碌前三門輪蹄間如蠟  
誰知韋杜南有此二三子歸路哦君詩口嚼宮與徵時攜  
澹香詩惆悵尊鱸思鬱鬱稻蟹瘡便欲傾雙瓶胡然陳八  
蒙共讀跪吾鬢涎數流君指動未止四座吾小人湫居頗近市余  
言

今歲蟹夥且賤且肥杏  
江不信也趣買果然 貴賤析蒸韭計較到酒醴三年無  
俸錢八口乏廩米晝飯仰官庖餘不飽奴婢斯會良亦佳  
吟興弗可已一詩兩尖團西風在牙齒

題梁溪秦髯園鏡影圖

當年識秦髯憶在竹塘寺饑分松鼠餐寒藉僧衲睡秦髯  
時未髯疎疎略可識別君幾四年千里到夢寐茲圖寫何  
時相對一笑哢窮餓淹江南落拓著文字塗抹浣牆壁椰  
揄逮鬼魅不知腮間物胡爲美如織楊柳春濛濛比髯故  
多致吮筆爲雲山髯間空濕翠髯何曾負公公自負髯媚  
扁舟吳越間賣畫博一醉吾髯戟不如吾髮葉欲墜笑面  
堆靴皮塵垢雜癢癢攬鏡詫醜怪一日輒數四何如髯秦

髯顏色腴不頓近來長安畫醜可張酒肆髯秦或肯來搖  
筆恐招忌不如掀濃髯江湖臥遊戲

錢上舍黼堂贈筆

婁東二妙拈金管

謂黼堂與汪杏江

忽損霜毫贈舍人試寫驚經

增娥媚更揩蠟紙足圓勻三錢拚得買無處六寸掄來健  
有神要捉蟾蜍共研墨春蛇秋蚓屈還伸

重陽日座主錢少冠東麓先生招飲席上分賦得陽

字

醉翁門下士堂堂臺省崢嶸簪笏光四海典型求正始一  
年風物愛重陽紅萸黃菊秋無限豪竹哀絲夜未央嘉祐  
人才稱極盛科名事業兩輝煌

雍容簪筆 殿西廊兩度文星莅建康河挾百川趨決漭  
岱雄羣嶽屹青蒼執經弟子尊皇甫接席賓徒有葛疆手  
掌邦刑惟謹慎諸司辨事每斜陽

綿潭山館十咏

葆真堂

不學安州食蜜老不參木塔老婆禪安心便是昌身訣白  
木牕扉背竹椽

訥菴

病維摩詰本無語問疾文殊强索歡萬斛機鋒收不盡須  
防饒舌有豐干

翠香閣

十丈老檜工舞翠一尺穉松能作香主人自寫貝多葉竹  
雞一聲啼夕陽

律素書廳

朱顏白醪薄薄酒木榻坐撫泠泠琴明月孤鶴互來往與  
君而三成素心

息軒

風雨松杉夜轉雷聞根斷處屏喧厯睡蛇已死不須逐誰  
攬先生高枕來

嘯雲樓

樓俯黃山千尺雲雲中鸞鶴自紛紛一聲海涌雲奔處無  
數仙靈盡避君

蓼陽茨室

南郭子綦晝隱几眼明策策復堂堂晚看蝴蝶開秋水坐  
喜蜻蜓立筆牀

待月縹

青藤絡屋竹交門手泔茶甌坐到昏藤竹忽鳴雲忽破卷  
簾獨自捉金盆

莓逕

老綠深青掃更生鹿銜鶴踐少人行怪他礙路一叢竹雨  
後行鞭勢欲橫

澤花映菜井

著雨疎花亦欲然登盤蘆腹已如拳先生會識高低勢嶺



背分來一道泉

內子病甚詩以慰之

伶俜家具近何如一甕酸  
蠶百軸書決捨江東打頭屋  
堅乘洛下短轅車  
誦經慣有飢鼯苔倚樹微聞病鶴噓怪底  
藥爐推不去草精木魄未饒渠

病妻合併維摩室枕底敲詩夢碧梧

向贅於吳興秋樹山房有梧合抱每夜分

輒作風雨聲

好句商於酬不易耿懷明月鑑非孤  
藝林游戲尋

常債黃海歸來汗湯圖

昨宵夢游黃海

他日鹿門偕隱去一龕繡

佛兩團蒲

蕭韶亭編修同年招食家庖餅并看所作畫

西風吹雨冷秋燈寒具香苞得未曾清俸買書身似蠹冰

銜居易性如僧書評第一蕭思話畫苑無雙曹不興鄒杜  
紛紛車馬客敲門那得主人膺

壽濟南汪丈寅清六十

百脈在東趵突西華不注峰那可躋城南千佛好龍象門  
外萬頃寒玻璃開國王孫耳出頂水精雲母爲漿醯定色  
駐顏祕刀圭說經口若分水犀簸弄糠粃揚稗稊今年六  
十如童顰出入不用勞杖藜東方小兒焉足道稷下談士  
頭俱低有子才彥超金閨涉筆動能作白鼈雲中 天書  
降紫泥吳觀日觀雄雞哢呦呦白鹿馴扶攜眼看九點蒼  
煙齊

重九與少甫邀滄雲舍人及其子虎觀游陶然亭歸

飲寓齋得歸字

小車轂鯨駐林扉尺五城南木葉飛  
九日笑攜佳子弟一年難得晚芳菲  
荻喧盡日風兼雨楓癭斜陽瘦却肥  
亟向鄰槽沽越酒接離傭著醉人歸

奕岩舍人精心談藝力追古人譬諸汗血方新筋骨  
漸就近以塞行小草見示清思遠韻滌去塵埃不  
專作金華殿中語亦不爲措大寒乞相輟以鄙意  
綴四絕句於後

一字須經百鍊工畫詩詩畫理原通  
請看捉鬼鍾馗手無限精神拇指中

黃筌承蜀主孟昶旨改畫吳道子鍾馗捉鬼圖自謂全身氣力俱在拇指中

燈火青熒燼不挑紙牕竹屋轉蕭蕭  
金華殿裏含香客難

蓼陽茨室

南郭子綦晝隱几眼明策策復堂堂晚看蝴蝶開秋水坐  
喜蜻蜓立筆牀

待月緣

青藤絡屋竹交門手澣茶甌坐到昏藤竹忽鳴雲忽破卷  
簾獨自捉金盆

莓逕

老綠深青掃更生鹿銜鶴踐少人行怪他礙路一叢竹雨  
後行鞭勢欲橫

澤花腴菜井

著雨疎花亦欲然登盤蘆葍已如拳先生會識高低勢嶺

背分來一道泉

內子病甚詩以慰之

伶俜家具近何如一甕酸虀百軸書決捨江東打頭屋堅  
乘洛下短轅車誦經慣有飢鼯苔倚樹微聞病鶴噓怪底  
藥爐推不去草精木魄未饒渠

病妻合併維摩室枕底敲詩夢碧梧

向贅於吳興秋樹山房有梧台抱每夜分

輒作風雨聲

好句商於酬不易耿懷明月鑑非孤藝林游戲尋

常債黃海歸來汗湯圖

昨宵夢游黃海

他日鹿門偕隱去一龕繡

佛兩團蒲

蕭韶亭編修同年招食家庖餅并看所作畫

西風吹雨冷秋燈寒具香苞得未曾清俸買書身似蠹冰

銜居易性如僧書評第一蕭思話畫苑無雙曹不興鄒杜  
紛紛車馬客敲門那得主人膺

壽濟南汪丈寅清六十

百脈在東趵突西華不注峰那可躋城南千佛好龍象門  
外萬頃寒玻璃開國王孫耳出頂水精雲母爲漿醯定色  
駐顏祕刀圭說經口若分水犀簸弄糠粃揚稗稊今年六  
十如童顰出入不用勞杖藜東方小兒焉足道稷下談士  
頭俱低有子才彥超金閨涉筆動能作白蘂雲中 天書  
降紫泥吳觀日觀雄雞哢呦呦白鹿馴扶攜眼看九點蒼  
煙齊

重九與少甫邀滄雲舍人及其子虎觀游陶然亭歸

飲寓齋得歸字

小車轂觥駐林扉尺五城南木葉飛  
九日笑攜佳子弟一年難得晚芳菲  
荻喧盡日風兼雨楓癭斜陽瘦却肥  
亟向鄰槽沽越酒接離慵著醉人歸

奕岩舍人精心談藝力追古人譬諸汗血方新筋骨  
漸就近以塞行小草見示清思遠韻滌去塵埃不  
專作金華殿中語亦不爲惜大寒乞相輟以鄙意  
綴四絕句於後

一字須經百鍊工畫詩詩畫理原通  
請看捉鬼鍾馗手無

限精神拇指中

黃筌承蜀主孟昶旨改畫吳道子鍾馗捉鬼圖自謂全身氣力俱在拇指中

燈火青熒燼不挑紙牕竹屋轉蕭蕭  
金華殿裏含香客難

入大川作舟楫

碧梧翠竹

鳳衿一雙寫環珮鸞尾千箇鏘球琳空堂那有絲與竹怪  
煞月明韶濩音

山塘春棹

比鄰短簿與要離俎豆香山更左司好是年年春社裏賣  
花都傍宋公祠

石湖秋月

楞伽山前半輪月漁船夜夜不收罾短篷悄傍海潮去  
春橋側中有詩人范致能

送顧小韓太守赴河間



太守二千石身與風俗維令丞簿尉掾太守得辟之一郡  
如一城痛癢在四肢困窮旣繕葺牛羊亦蕃孳桑麻出緡  
絹子弟敦孝慈與民重休息其理蓋可思拜御史丞相與  
天子共治河間獻王國雅歌動氓蚩自漢沔於今肩指良  
吏誰吾鄉野王裔六十官不卑飄蕭露下鶴皓潔篋中絲  
白鶴老逾警素絲涅不緇雙旌指瀛鄭歡喜走童耆凡過  
所屬邑了知民肥羸府吏屏息立叅軍抱案隨一年鋤豪  
猾二年蘇瘡痍三年歲大有蝗虎不敢窺吾詩信若券莫  
道拙文詞

榮性堂集卷六

吳縣吳俊曇繡

古今體詩

爲關柱生舍人寫東坡和陶詩時微雨初霽新月如  
畫輒題卷後贈之

和陶詩寫百篇忙稍覺雲光漏月光千古一家真眷屬百  
年三畝是窮荒齒根似過桃榔雨鼻觀微聞藹芋香贈與  
關仝憑料理一龕合祀兩柴桑

宴集胡雲坡少冠培蔭軒看菊并讀所著扈 蹕詩  
分韻得秋字

秋雲不及詩情稠松檀林壑囊中收一卷扈 蹕鏘琳瑯

空堂把讀風露幽麗譙隱隱傳更籌菊花十月插滿頭與  
詩品格爭清適家世理學尊中州門第不與卿長侔往者  
秉臬江淮陬雀鼠不訟萑苻愁青山短簿春鳴騶畫舸明  
月夜譙游一年士氣喁喁投三年民病靡弗瘳 皇帝曰  
俞嘉乃猶佐予明辟其汝優尚書之寄舌與喉汝其貳之  
宜爽鳩求生不得容爲愀退 朝休沐招朋儔城南韋杜  
寒無湫相公園圃森梧楸 先生所居爲宛平相公舊邸 數弓手葺花藥  
邱簾櫳窈窕煙霏淨看山拄笏爽豁眸頃者匹馬隨 親  
菟絲鞭茸帽披駝裘詩篇歸寫蓋已哀尊葦羅列呼庖羞  
黃花名士娛清秋分曹轟飲互送闌授簡落墨交賡酬此  
辰此會良難求勝事突過南皮不

題同年毛舍人羅照詩集

遺音一唱復三歎疏越朱絃清廟彈館冷西湖編散亂塚  
荒祭酒草叢殘誰能隻手扶風雅應是全身紉蕙蘭一事  
思量總輸與好詩寫作畫圖看

一見居然正始風彈棋擊劍妙何窮畫師北宋家家寶賦  
到西賓字字工丙舍墓田鍾太傅谿山京口米南宮平生  
不屑雕蟲技辛苦箋詩薄乃公

風雪旗亭貰酒回筆公已禿硯生苔牢愁築似公孫壘意  
氣危於郭隗臺盡道舍人香竟體吾嫌措大蠟成堆閣門  
封事催如火烏帽騎驢得得來

澆松種藥體殊便訪寺尋僧意可憐五字華嚴眞法界一

龕香火夙因緣清涼滿宇蓮開井空翠盈腔竹晷天

集中有寺

以竹爲天之句他日與君叅玉版舉頭卽是小乘禪

王春明廣文自贛榆被議入都賦贈四律

赤日紅塵裏何曾著此人相逢渾不識稍語各傷神如爾

尙落職憐吾空有身十年仍此味龕粲莫言貧

一見卽留小飯

舉室來看客比鄰恥借床

意欲留宿念無臥具輒止

肺肝森欲吐詩卷

老逾光

出所輯畫竹軒詩

頭白翁呼塞身屯卦觸羊間關詢出處

欸欸到斜陽

雨過黑風惡沙鳴板浦嘈散衙惟蟀蛤入市有萊蒿江海

吞星闌河淮出地高廣文無一事日日把離騷

憶昔扁舟共孤篷細雨餘綠楊春兌酒紅樹晚叉魚宦局

紛今雨名山負道書相看差可慰兒女燦冠裾

余弱冠識先生屈指

二十年兒女已成行矣

西苑寓樓卽事

紅荷萬柄瀉珠圓翠柳千絲作舞便東沼夕陽西沼暝前  
山決溜後山泉連翩蹀雨巾頻墊頃刻裁麻袖屢擅天與  
吾曹小休沐蘆簾隔暑硯生煙

秋來賽食漢陂魚萬頃昆明浸碧虛水荇風蒲飛鳥外翠  
筍清醕嫩涼初好風便旋常依馬斜漢翻瀾欲洗車身是  
玉皇司案吏晚歸人羨屋渠渠

七峯別墅係賜漢章京散直憩息之所異數諸曹

所無也

題春明廣文畫竹

一竿受風娟欲語一竿撐空拔儕侶一竿橫逸露半身下  
有絳嬰尙戴土廣文胸中十萬竿三竿乍向醉後吐以其  
落筆想其餘鸞鳳鞭笞伏膈腑長安酷暑鎖渴羌清風萬  
錢何處買濕雲漏雨騰蒸甑木榻驅蠅坐沸釜翻身向壁  
變清涼稍覺湘妃步秋雨可憐內熱損精神一幅琅玕那  
堪煮

題春明廣文畫竹軒詩稿

我愛王廣文六十如處女不見垂十年娓娓述清苦新詩  
署畫竹字字摧肝腑柔腸有幾寸一寸一酸楚棄置且弗  
讀餘味轉媚嫵孔雀遭羈囚不肯殘其羽野老天寒村薄  
粥自濡煦離鴻觸驚絃饑雀啁空庾竦竦石畔竹鏘然弄

玖瑀瑣瑣莎際蟲戛然振翎股冤衍精衛石悲咽漁陽鼓  
文字五千卷一字不可煮聚鍊鑄一錯不如早暗瞽舉似  
寒孟郊哀響互叩拊長安逢新秋雨氣戰殘暑頽薜牆陰  
牆濕竈然漏釜出門豕負塗入屋魚罹罟舍人官職卑名  
字在樞府斛大斗自小心低頭愈俯撫項修嗤鵝探舌強  
羞鷓斷酒已碎崧索米但括無六年鞭土牛四體情苦竊  
譏讒及獎譽兩不關喜怒成此無用人宜爲世所侮如何  
機寒身讀此卑老語促織弔螭蛄哀猿憐杜宇作詩弁其  
端颯如交霧雨明知寡人聽私欲撼鐘呂君老我纔壯往  
夢過栩栩行當追亡羊庶幾怵履虎已矣勿復吟造化忌  
析剖



送嚴雅園先生之官萬安

有序

余以壬午登鄉薦受知於邵陽嚴雅園先生時先生攝揚州之東臺篆以公來蘇一見卽言文章遇合之非偶然與俊之所以得受知於先生之故且言理幹也氣扶幹而植者也聲音采色則又輔氣而行者也俊退而識之不敢忘先生尋知彭城之堆寧縣臨河壩民往往作梟販爲利先生輯而撫之境以寧嗣以誑誤被議去吏民思之先生在江南前後以禮聘入闕者四所得士若干人非英妙卽老宿如俊者最早亦最少而尤最不肖者也今年春先生來都贖鍰需次春明邸舍步履追從夜雨挑燈請枉何趾計壬午

至今十七年中先生歸田養性閉戶承歡而俊幸登  
第入秘省偶搖筆爲文章不爲同輩所鄙棄皆先生  
之教也謁選得江西之萬安行有日矣出所著文稿  
見示曰此余罷官時篷船中憶存之草也子爲我序  
之以俊之愚烏能序先生文且先生之文先生已自  
言之矣理幹也氣扶幹而植者也聲音采色則又輔  
氣而行者也賅矣備矣足以盡先生之文矣顧俊私  
有祝者先生行在萬安矣其地爲豫章門戶灘流猛  
駛巒嶺複沓驛騎估櫓蜩集鱗次其民刻露峭削肖  
其山川先生之行將以化睢寧者化萬安卽將以校  
江南之文者校豫章之文而忠信儻瑰偉絕特非

常之人出焉不徒鄱陽之波濤匡廬之雲雨爲足雄  
一州而秀一都也而先生之文將傳諸其人其人亦  
必能序先生之文以垂無窮而著不朽是可爲先生  
慶且爲豫章人賀也瀕行輒識卷末并作詩一章以  
送

裝輕不憚暑征難宦轍真當塞馬看笑聽篙師說惶恐喜  
逢津吏話平安放衙細雨長杉裏架屋青嵐苦竹端心似  
曹溪一滴水寫將清白漲諸灘

讀韓詩

始覺寒蟬噪已陳貞元詩老氣嶙峋柳劉一代成疑獄籍  
湜千秋是替人白日椰榆有瀧吏爰荒涕淚拜潮神江南

偶畫韓熙載紗帽何曾辨麝真

沈存中筆談云世畫韓退之小面而美髯著紗帽此

乃江南韓熙載耳熙載謚文靖江南人謂之韓文公因此遂誤以爲退之

### 雨後赴西苑

惺忪曉夢背秋城乍有涼颼便旋迎天放好晴娛薄宦蟬吟殘暑誚勞生馴如白鷺因機息淡到青山是骨清一沼圓荷兩堤柳者番稍覺苧衣輕

### 秋簾

憐伊轉窈窕我稍因依一雨竟如夢夕陽空自暉人情惜紈扇天意厭絺衣獨有關心燕雙雙傷額飛

### 章桐門舍人同年送皓紗書扇

舍人心跡秋水澄雙眼碧照孤山層七年雲林伴老僧慧

業初就告擔簦不逐官職尋友朋昨來叩門聲登登惠我  
一幅雪與冰蜀羅無色羞吳綾觸手欲呼得未曾刀尺未  
及試以肱袖中出箴意頗矜手寫白日仙飛昇扇頭手撫  
靈飛經  
布欵落落分畦塍展觀側翅愁蒼蠅豈惟禦暑兼開曹長  
安濕風扇飀蒸網籠何苦拘鰲鵬赤雲脫壞驚奔崩一雨  
怒暄暄秋燈手足自困心兢兢經旬廢梳髮髻髻縞衣綦  
巾仙子稱羽扇除是名士能我非其人祇自憎故人此惠  
謝可勝西湖濯潔膚脂凝南山削竹擘剡藤被服搖扇神  
翻騰佳美并合食須懲與君日覓薄策乘游原逐坂隨降  
升朝來拄笏爽欲憑勝似困雨聽夢夢詩成不用千手膽  
勝事恐有他人仍

病馬

馬爾何爲擇主疎舍人芻藁費躊躇相看病骨秋風裏欲  
丐殘骸返景初生死算來無一飽炎涼閱盡竟成疽暮年  
千里心如許灰剩還應一寸餘

敝車

吾生莫問有無涯但看雙輪閱歲華門石可憐轟似礮臨  
岐多恐路如蛇打箱黃葉飄飄下壓蓋青山衆曲斜一樣  
牽蘿况貧女稍遮風雪便爲家

送崇明倪二濤明府之官湖南

瀏水淺淺瀟水深令人一飲一清心訟庭終日無人到一  
縣鷓鴣飛竹林

青草湖如鏡面平湖中竹枝欸乃聲采蘭供與屈平廟  
魚獻與使君烹

新來縣官不愛錢但愛零陽一勺泉銅神羞死銅聲  
啞魚翠一羣飛拍天

題贈光祿少卿王漱田先生遺照

竹枝竦竦駢鼓枹石氣凜凜排劍矛詩卷還能照天地何  
况縑素須眉留古今人物難具論死非其所輕海漚背嶺  
之役豈所料六月雨雪天爲愀羣星如沸大星隕一軍倉  
卒訛更籌翩然帳下雨記室同時死者戶部主事趙文哲璞庵疎眉白  
皙豐而修千山趺蘭草露布三更磨盾歌同仇軍中貔虎  
僅十萬嘖嘖都羨書生謀謀成變起自引決名字突兀隆山

邱杜陵聞鵲灤東宅渭南射虎南山陬功名易地則皆爾

千載心事懸清秋頭銜合與寵幽壤碧血終古纏巾幘遇賊

時僮僕奪短衣一襲以出楓林暗天子規呌絕壁落月窮猿愁龍山蒼

蒼申浦白忠魂萬里歸松楸兩家子弟盛文采此卷涕淚

瑯琊收焚香展圖再三歎光氣歛作長虹流他年國史

著別傳記取叅軍未白頭

肅州牧康鏡溪壽詞

伊水清 美治嵩也

伊水清使我漑稻如雲平伊水濁使我種桑如布幄匪侯  
之來以蒿以萊繫侯之去有磨有耳願侯之身永康強願  
侯子孫聰且明嵩山山高不可梯吾侯之壽與之齊



河入長城 美治臯蘭及肅也

河入長城不糞我土掘地九仞汲之而涵望侯之麾雲雨  
其隨繫侯之馬波瀾其寫唯侯之嚴使我子弟舉孝廉唯  
侯之英使我雀鼠無構爭侯父侯母我疆我隄父侯母侯  
以獻以疇

七峰別墅雜咏

楸

撼撼似私語瑟瑟嘲孤吟赤日不到地暗蟲相追尋我夢  
爾來攪我愁爾來侵勢欲闌一畝羣枿爲之暗凋啾初生  
鳥十百巢其陰一雨淹半月濕竈不得燂而爾工簸弄蔽  
虧斗與參欲鋤且未可留以障炎祲

棗

兩兄初花時今來復掇實倚梯升其顛百勞饜一逸舍人  
腰腹瘦奉職載慄慄退直無一事食棗愈食蜜能令肝脾  
調亦使頭髮奈欄邊捕螳螂石罅火蟋蟀飽食自栩栩都  
忘沐與櫛叮嚀告園丁壅漑罔缺失須防根穴螳還恐皮  
處蝨明年四五月花復照我室

松

牕前松兩株鱗脫爪則存亦欲自吟嘯失勢噤難言毒枿  
紛怒出藺菅亦已蕃如何夭矯姿困此籠與樊怒雨走霹  
靂黑雲驚奔翻衆木盡瘠啞而松舞軒軒酌爾一杯酒寫  
我心鬱煩

柳

絲疎不受櫛條空不禁舞風月奏衆芳獨爾忝儕侶平生  
煙霧姿能事在媚嫵一旦髡其顛焉能僞疎古人皆施斧  
斤吾意頗未許引泉培其根伐莽壅以土夫豈真汝憐聊  
用相存汝棄取了無與榮悴自其所稍稍腰肢成嫋然弄  
春雨便有無窮人辛苦學張緒

恭和 御製杭州啓蹕回鑾之作元韻

如此湖山愜 睿情風光上已戒回旌萬家蠶箔陰晴好

一帶魚鱗指顧成

降旨動帑興修海寧石塘

南北兩峰無量佛東西

全湖觀光岷麥香滿路初程緩記取時乘五度行

恭和 御製雨元韻

十日晴逾好非關作意春  
在杭剛及襖得雨恰經旬  
麥布高低罽桑鋪上下  
响吳歛聽漸近滑笏水雲均

恭和 御製題高義園藏范仲淹書伯夷頌叠前韻

元韻

名園守弄名賢蹟 天藻重題風輩流  
但使成仁復何怨 未曾先樂豈忘憂  
四圍竹色森如護一掬溪毛潔可羞  
想見醴泉讀書處清風真可埒羊裘

恭和 御製龍門三叠高啓韻元韻

神禹鑿龍門蒼茫神鬼蹟屹然此天平  
一線界空白白雲上下中  
俗有上白雲下白雲中白雲之稱  
雲隕勢忽劈風泉竽筑晨巖刹  
鐘梵夕百丈將墜松萬古不落石  
白日空中摩蒼煙脚底

卷之二  
積數里獅峰朝一嶺支硎隔爲冀眼界寬不顧步履窄風  
來龍自吟偃入悸魂魄青邱咏姑蘇詩句滿崖壁於此全  
力注落筆氣昂激宸章泐穹碑山靈守趺額吳中翰墨  
多老輩成往籍石氣排青巉知閱幾詞客

恭和 御製石湖八絕再疊王寵題周臣畫筵頭韻

### 元韻

草木真邀 聖主憐風光澹沱好春前湖從石佛趺邊闊  
寫出桃花漲後天

流傳畫筵寫名流嵐翠湖光掌底浮自入 睿吟增活潑  
風標公子曬毛鷗

金碧參差鏡面開傍湖斜整小亭臺名臣名墅今猶韻記

取宸游第五迴

行春橋是跨虹成亭子湖心點浪輕何意菰蘆漁父曲也  
關聖主豫遊情

石湖楊柳翠成絲不是靈和殿裏移半拂宮牆半臨水夕  
陽迴陣噪鴉兒

雙槳橫塘七里強綠楊風裏鷺鷥翔澄泓千頃平如掌稍  
有跳珠濺石梁

摸魚艇子傍巖歸無力楊絲罨釣絲兩岸煙綃凌曉拓一  
奩霧縠曳風微

如笑春山早作花傍湖小墅枕晴沙海潮庵頂楞伽塔一  
片鐘魚逐翠華

宴集邵雙橋吏部齋中聽李雲門太史盛孟巖舍人

諸公度曲

竹脆絲調不惹氛玉蟾簾幕近春分詞人中酒諧逾妙暗

者聞聲夢亦欣余不能歌而風信峭寒添小暖詩篇快雨

破層雲馮星實大鴻臚清涼坡馬歸來日時余將扈芍藥

紅酣賺薄醺卽席賦詩立就

疊前韻奉呈諸公

始覺箏琶盡俗氛欲區雅鄭在豪分月經雨洗天然好賞

到花開分外欣藝鼎自縈成寶篆罩檐不落帶春雲阿儂

最憶瀟瀟曲水閣東風取次醺座中陳上舍能以吳中諸語入絃索歌之

送姚佃芝出守饒州

朝攜彩筆浣金莖暮擁花騶出鳳城一鵲唳空殊自在片  
雲含雨最多情從來五老鑱天白聞道雙江徹底清祖席  
合辭相慰望相公家世魯公名

禁垣陪直語殘缸雄辨翻翻瀉急淙魯國諸生在門下永  
嘉名士數無雙丹雞白犬神仙眷碧嶂青溪太守艘行部  
歸來無一事手疏泉脈吸西江

恭和 御製彈汗行元韻

皇帝幸承德路經懷柔行懷柔助九經何有彈汗稱彈汗  
之稱始貞觀文皇以武平門爭突厥餓勒奉臣朔高昌吐  
谷悉堡而悉城二十二年契丹先後附其年遂有彈汗名  
二千餘年於鑠我 大清 皇帝上承 列祖 列



宗烈陽舒陰慘草木隨枯榮視四夷君長如赤子戴我父  
母如天覆冒宏長城以外亘萬里爾爵爾土逮爾孫爾曾  
牛羊水草大蕃息但有錫賚無戈兵懷之柔之義深遠  
底用刁斗防嚴更彈汗行文皇當日猶有奢侈情謂繁德  
非力如星拱辰衛帝京不然貞觀之世何以僅號小太  
平

題嵩柏棚幘用太白贈嵩山焦鍊師韻

雙柏摩青天陰森交翠煙下逢兩蒼叟當是千歲仙絕粒  
食柏子顏好壽算絲手持長生錄口誦丹邱篇拄杖偶游  
戲王母相周旋少室與太室伊川還洛川出鞭青鸞去歸  
抱白石眠夜泉自鳴筑春禽解弄絃平生夢嵩嶽雙柏亭

亭幄三十有六峰峯迴路逾邈柏鎖登封雲雲中忘晦朔  
時有蒼龍吟可想不可學

聞歌却憶今年在蘭州情事

脆竹哀絲勸夕曛忽思度隴去從軍五千驛路一飛鳥西  
北譙樓兩角雲黃河流駛城欲動皋蘭草肥日正曛白羽  
綠弦相對出唱歌不是此間聞

立秋後七日省中夜直

北斗七星低可捫禁城鐘鼓動黃昏心懸連日羽書至坐  
覺一更草露繁燭花然夢弄孤耿秋樹語風多暗喧樓角  
迢迢轉河漢攬衣不寐欲忘言

納涼詞八首

太液池平可采蓮  
蓮花如炬藕如船  
一雙白鷺飛還止  
只在蓬萊左右邊

花傭腰繫灌花瓢  
松葉爲棚木搭橋  
杜曲人家接韋曲  
家家種竹買芭蕉

潞河南舸艤如麻  
二閘波添礙釣查  
一簇碧油香滿路  
小姬齊插刺桐花

綠樹綠于蟬噪後  
碧天碧在篴聲初  
豆花棚底莓牆曲  
閒讀江東桑苧書

玉椀盛瓜赤瑪瑙  
冰盤堆李碧琉璃  
素柰來禽復甘脆  
宜人茶渴夢醒時

東寺晚鐘西寺聞  
一家濃綠兩家分  
二更月出天如水  
不

起滄溟半點雲

高館疎槐漏夕陽  
簾波微縐簟紋光  
弱莎細石文魚宅  
碧穗紅花促織糧

綰秋楊柳碧粼粼  
明鏡紅雲午正酣  
坐到日沉風起處  
水藍山翠寫江南

擬元次山欵乃曲卽用其韻

船官船高與屋平  
風動旌竿催客行  
湘女提筐唱歌去  
但尋藥草不知名

鷓鴣啼煙斑竹深  
子規飛上青楓吟  
舟師估客齊流淚  
不必清猿腸斷音

龍堆宛宛尾入淵  
鹿角嶙嶙尖觶天  
帝子乘潮弄風雨  
北

船送盡送南船

擬李東川漁父歌卽用其韻

漁父自富貴養性足榮身娶婦煙水曲嫁女菰蘆濱  
姻鄰聚結網老穉同持綸醉臥雪浦雪醒泛春江  
春蘭葉賤似草斑竹多於薪夜夜洞庭樂頓頓清  
湘鱗租稅所不到伏臘半未眞浮雲殊澹泊名利  
徒苦辛

晚浴却憶今年在臨潼驛館尙方伯留浴溫泉三  
更飲酒言別行促未有詩也因用右丞藍田山石  
門精舍韻以追紀之

殘雨歇灞水連山送柔風暮投臨潼館林翠不可  
窮方伯惠好我清樽相與同飛榭抱岩轉複閣與  
雲通我無破冠

策駕言洮隴適返轡此驪山征衣掛松柏僕僊鐘未鳴驛  
靜燈逾寂藉此靈澈泉澡我塵勞客牕間窺北斗露下布  
瑤席心知須臾歡眷此藤蘿壁山月轉蒼莽夜鳥聞歷歷  
明發指渭南回首繼良覲

憶武昌舊游寄揭陽鄭中丞用太白憶襄陽舊游贈

濟陰馬少府巨韻

乘輅入鄂渚晚上黃鶴樓樓櫓夾江出帆檣截漢流紅霞  
卷落日氣概隘九州揭陽鄭夫子邀我清夜游燈火照極  
浦鼉鼉跋清秋尊罍屬詞賦高浪著天浮平生庾亮意歸  
夢與離愁遙念晴川月青山大別頭

由倚虹堂泛舟出繡漪橋眺三山樓閣用高達夫秋

霽曲江俯見南山作韻

神山巨鼇戴游戲仙者流一夜飛徙此開眼三崑邱京邑  
滿暑雨雄虹吐清秋林旭翳杲杲氷風調修修蒲蓮霧氣  
密籬落煙光幽人語不可跡迴湍或誤投瞥忽蹈溟渤俯  
仰忘扁舟目迴入飛閣身輕過白鷗松喬在咫尺簪組徒  
營求夷猶信歸棹勝作東海游

汪杏江編修和余夜直聞歌二什却酬一律

盥手開緘讀報章兩牋清切研秋光韻經複寫新如洗調  
得同宮舞欲狂郭注鄭箋供搗鍊隴禽開笛喻蒼涼從今  
隻字須裝弄香案朝朝侍玉皇

聞官軍攻破賊巢逆回蘇四十三等俱已就戮喜而

賦此

忽得皇蘭殺賊音輟樽起舞据床吟百午膏澤浹人久

賊藏

後窮究黨惡竟無一百姓從賊者此

國家漸摩之澤也

六月車徒轉戰深衝雨負囊

諸將力攻

六月十五日諸將乘雨進

斬亡搜孽

廟廊心青

天白日堂堂書肯為旄頭動羽林

賊逼蘭州時發健銳火器兵四千往剿尋聞賊

已竄入山溝勢成釜底京兵先後撤回

走也曾充小隊來轅門播鼓角弓開棧雲隴月青天上

上聲

巨筏渾河黑雨迴驛吏送符飛似鳥尚書銜命去如雷

書生磨盾尋常事顧我原非露布才

海侯

海侯黃面兩眼青夜坐帳中觀列星匹馬殺賊雙青萍不



聞人聲但血腥身輕先卒走躍陘胆麓脫甲陣不肩大宛  
之馬紅絲絳畫雕之弓雪白翎一發雙矢力透輶憤深勃  
怒吻出霆生小不識陰符經家世光耀籍索倫所功成紫  
光圖厥形畫閒述戰妮足聽今年西度隴與涇六月破賊  
雨晦冥千山飛礮火迸熒巨雷殷天聲不停手捕蛇蝎申  
天刑蕃王土司爭獻醺名字聞者耳覺馨海侯溫溫心若  
冷退然處女含娉婷 天子愛惜三丁寧李廣數奇非定  
評無才受辱灞畝亭